

(<https://news.usm.my>)

Berita Mutakhir

# 01 DEC HOSPITAL USM SERTAI KEJOHANAN FUTSAL TOURNAMENT FOR CHARITY 2016



USM, KUBANG KERIAN, 1 Disember 2016 - Tiga pasukan futsal akan mewakili Hospital Universiti Sains Malaysia (HUSM) dalam Kejohanan Futsal yang bakal berlangsung pada 3 Disember 2016 di Bandar Baru Bangi.

Menurut Pengurus Pasukan, Dr. Muhammad Hafiz Hanafi, ini merupakan satu kejohanan futsal yang hanya melibatkan kakitangan perubatan di Malaysia dan dianjurkan oleh Islamic Medical Association Of Malaysia (IMAM).

"Penganjuran tahun ini adalah yang terbesar melibatkan penyertaan sebanyak 50 pasukan yang bertanding dan seperti biasa Hospital USM tidak melepaskan peluang ini dengan menghantar tiga pasukan yang terdiri daripada 24 pemain di bawah bimbingan jurulatih Fauzi Idris," katanya.

Tambah Hafiz, penyertaan kejohanan ini adalah untuk memenuhi visi USM dalam memperkasakan bakat masa hadapan dan mengupayakan golongan terkebawah demi mentransformasikan kesejahteraan sosioekonomi mereka.



Jelasnya, di samping bersukan untuk kesihatan dan mengukuhkan hubungan silaturahim, platform sukan turut digunakan untuk tujuan amal.

"Kejohanan yang bertemakan 'Let's Kick For Cure' turut mengumpul dana untuk membantu mereka yang memerlukan seperti anak-anak yatim," katanya lagi.

Pasukan Hospital USM akan cuba memberi yang terbaik demi mengharumkan nama USM.

Teks & Foto: Mohd Hafiz Yaacob



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>). | USM News Portal. Hakcipta Terpelihara USM 2015